

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৪৯৯৬

আগরতলা, ২৮ ফেব্রুয়ারি, ২০২৪

**আগরতলা বইমেলা : অষ্টম দিনে ৩৯টি নতুন বইয়ের প্রকাশ**

৪২তম আগরতলা বইমেলার আজ ছিল অষ্টম দিন। তথ্য ও সংস্কৃতি দপ্তরের উদ্যোগে আজ হাঁপানিয়াস্থিত আন্তর্জাতিক মেলা প্রাঙ্গণের কবিতা মঞ্চে ৩টি প্রকাশক সংস্থা বাংলা, ককবরক ও ইংরেজী ভাষায় মোট ৩৯টি নতুন বই প্রকাশ করে। এছাড়া ৪টি বইয়ের প্রচ্ছদ প্রকাশ করা হয়। অনুষ্ঠানে বাংলা ভাষায় জ্ঞান বীক্ষণ প্রকাশনীর ১৪টি বই, দিগন্ত প্রকাশনীর ১১টি বই এবং দিগন্ত প্রকাশনীর ৪টি বইয়ের প্রচ্ছদ প্রকাশ করেন রাজ্যভিত্তিক সাংস্কৃতিক উপদেষ্টা কমিটির ভাইস চেয়ারম্যান সুব্রত চক্রবর্তী, বিশিষ্ট আইনজীবী রাখাল মজুমদার, বিশিষ্ট সাংবাদিক দেবাশিস (সেবক) ভট্টাচার্য, লেখিকা শিবাণী ভট্টাচার্য, ত্রিপুরা (কেন্দ্রীয়) বিশ্ববিদ্যালয়ের সহকারি অধ্যাপক মলয় দেব ও কবি নকুল রায়। অতিথিগণ তাদের আলোচনায় এই দুটি প্রকাশনা সংস্থার এই উদ্যোগের ভূয়সী প্রশংসা করেন। উপস্থিতি ছিলেন জ্ঞান বীক্ষণ প্রকাশনীর কর্ণধার প্রীতম চক্রবর্তী এবং দিগন্ত প্রকাশনীর কর্ণধার শান্তনু মজুমদার।

এছাড়া বাংলা, ককবরক ও ইংরেজী ভাষায় বর্ণমালা প্রকাশনীর ১৪টি বই প্রকাশ করেন রাজ্যভিত্তিক সাংস্কৃতিক উপদেষ্টা কমিটির ভাইস চেয়ারম্যান সুব্রত চক্রবর্তী, কবি অভীক কুমার দেব, বিশিষ্ট আইনজীবী রাখাল মজুমদার ও বরিষ্ঠ তথ্য আধিকারিক গৌতম দাস। অতিথিগণ তাদের আলোচনায় বর্ণমালা প্রকাশনীর এই উদ্যোগকে সাধুবাদ জানান। সঞ্চালনা করেন কবি পার্থ দাস। এদিকে বইমেলায় ড. রথীন দত্ত স্মৃতি সাংস্কৃতিক মঞ্চে উনকোটি জেলার শিল্পীগণ সমবেত সংগীত, সমবেত নৃত্য, ব্যাসো নৃত্য, একক সংগীত পরিবেশন করেন। আগরতলার শিল্পীগণ শাস্ত্রীয় সংগীত, পঞ্চ কবির গান ও জনজাতি লোকনৃত্য পরিবেশন করেন। সঞ্চালনা করেন শিল্পী সঞ্চিতা রাহা পাল।

\*\*\*\*\*